

# mainatges d'òc **PLUMALHON**

(5,70 €)

ISSN 1264-6733

La piscicultura



**(Lo caqui**

**Los Minons**





Quand l'ivèrn arriba, los aucèls patisson per s'avidar. Tròban pas gaire frucha suls arbres ni granas sus las plantas. Pr'aquò, i a un arbre que pòrta sa frucha encara. Es lo plaqueminièr e la siá frucha s'apèla lo caqui.

## Lo caqui, la darrièra frucha abans l'ivèrn

Lo plaqueminièr tomba las fuèlhas. Alara, la frucha se vei plan. Sembla qu'ajan ondrat l'arbre amb de bòlas de color irange. Los aucèls prèsan fòrça aquela frucha fresca, qu'es la darrièra abans l'ivèrn.

Tu tanben, ne pòdes manjar de caquis, que i a plan vitaminas A e C, e mai fòrça sals mineralas. Cal esperar que sián madurs. Quand o son, la carn es coma una gelada irange e sucrada.

La boscarèla o busqueta capnegre ne manja.



Los passerats tanben, lo caqui lor agrada.



Lo plaqueminièr es originari de China. Ven al Japon tanben. Enlà, manjan lo caqui pel Primèr de l'an.

Los estornèls coneisson çò bon e quand tròban un arbre cargat de frucha, se n'assadolan.



Ne daissaràn qualques unes pels mèrles qu'espèran que la frucha siá tombada.



Ven en çò nòstre dempuèi que l'importèron, al sègle XIX. De segur, per que venga coma cal e que faga de frucha, cal pas que lo climat siá tròp freg.